

官年爵者、

文安元年四月廿六日

大外記中原朝臣師鄉奉

〔和長卿記〕大永六年五月廿日壬寅、今夜東洞院殿○後奈良有准后宣下事云々、上卿大納言公條卿

著陣、官外記各自參陣云々、勅書事兼日爲大內記爲康前營相公相代作草、今度職事頭辨、誤以詔書

分送、御教書仍詔書之草也、予云、准后宣下必可爲勅書之子細、令演說、同舊草等出授之間、令承諾畢、

又彼相公所作草之文、贈准后之勅書之樣也、一向不及沙汰、不可然之間、改直者也、其文者朕叔妣也、

又國忌山陵如舊典云々、本文生云、父母死云、考妣、叔妣何哉、年官年爵可書載處、國忌山陵何哉、云彼

云是、言語道斷也、

今度草

勅、天之所覆、遍成造化之功、人之所親、莫過母子道、前從三位藤原朝臣藤子者、奉前朝得寵幸第一

之譽、登庸被進、無險諛私謁之心、平生在溫柔內訓、垂法、頃日依踐祚、褒章呈誠、上以三品重准后宮

宜授邑土千五百戶、任人賜爵一如舊典、主者施行、

大永六年五月御盡日

昭宣公、元慶六年二月准三后勅書、任人賜爵准三宮、如忠仁公故事云々、凡法中之准后、女中之准后

之勅書者、任人賜爵之文宜云々、左右近衛帶仗資人卅人等除之故也、內舍人二人計賜之也、爲後規

巨細注之、爲散管相公之惑也、

〔執次詰所本御系譜〕後陽成院御母、新上東明院准三后晴子、勸修寺內大臣晴右公女、

〔執次詰所本御系譜〕清子內親王、○後陽成皇女母中和門院○後水尾帝母准三后藤前子、近衛入道前關白太政大

臣前久公女、元和六年六月二日門號定、寬永七年七月三日崩、五十六歲、

〔百一錄〕貞享二年五月廿二日、御匣殿○後西院帝藤原隆子被任、准后云々、今日薨御、八十二才、